

AUGLÝSING

212

27. des.

um innheimtu ýmissa gjalda með viðauka.

Ríkisstjórnin hefur ákveðið að nota heimild laga frá 18. des. 1961 og innheimta á árinu 1962 með viðauka eftirtalin gjöld til ríkissjóðs:

- a. Með 100% viðauka stimpilgjald af afsölum fyrir fasteignum.
- b. Með 140% viðauka stimpilgjald af öðru en afsölum fyrir fasteignum, og leyfisbréfafgjöld, önnur en þau, er um ræðir í aukatekjulögum nr. 40/1954.
- c. Með 560% álagi gjald af innlendum tollvörutegundum samkvæmt lögum nr. 60/1939, nema af gosdrykkjum samkvæmt 1. tölulið 4. kafla 2. gr. með 680% álagi, öli samkvæmt 3. tölulið sama kafla með 740% álagi og kaffibæti samkvæmt 1. tölulið 3. kafla með 50% álagi.

Álagið skal reikna þannig, að hver gjaldeining hækki um þann hundraðshluta, sem um ræðir hér að framan, en broti úr eyri, sem myndast við viðbót þessa, skal sleppt.

Fjármálaráðuneytið, 27. desember 1961.

Gunnar Thoroddsen.

Sigtr. Klemenzson.

REGLUGERÐ

213

28. des.

um gjöld fyrir skráningu skipa, mælingu o. fl.

1. gr.

Fyrir afrit af þjóðernis- og skrásetningarskirteini, afrit mælibréfs, einkaleyfi á skipsnafni, nafnbreytingu á skipi, útgáfu þjóðernis- og skrásetningarskirteina, útgáfu mælibréfs, áritun á þjóðernis- og skrásetningarskirteini, áritun á mælibréf, eftirlitsbækur og fyrir mælingu skipa skal eigandi greiða gjöld í ríkissjóð samkvæmt því, er segir í 2. gr.

2. gr.

- | | |
|---|------------|
| 1. Útgáfa þjóðernis- og skrásetningarskirteina skipa 30 rúml. og stærri eða fyrir afrit þeirra eða endurnýjun | kr. 500.00 |
| 2. Útgáfa alþjóðamælibréfs samkvæmt mælingarskýrslu | — 600.00 |
| 3. Útgáfa mælibréfs, afrit eða endurnýjun þess fyrir skip undir 30 rúm. | — 300.00 |
| 4. Útgáfa mælibréfs, afrit eða endurnýjun þess fyrir opna báta | — 150.00 |
| 5. Einkaleyfi á skipsnafni | — 5000.00 |
| 6. Nafnbreyting á skipum | — 1000.00 |
| 7. Áritun á þjóðernis- og skrásetningarskirteini og mælibréf | — 250.00 |
| 8. Eftirlitsbók minni | — 100.00 |
| 9. Eftirlitsbók stærri | — 200.00 |
| 10. Fyrir mælingu á: | |
| a. Opnum bát | — 150.00 |
| b. Skipum undir 30 rúmlestum brúttó | — 400.00 |
| c. Skipum 30—100 rúmlestir brúttó 10.00 kr. rúml., minnsta gjald þó | — 600.00 |